



探險玉山——大冒險家鹿野忠雄記事

【之一】

北婆羅洲的樹林內發出piáng、piáng的聲音
驚動熱帶雨林的夜婆俗鴉雀逃走
飛過暗夜的天空

銃子殼倒——落的是鹿野忠雄彼个人道主義
的面容

予軍國主義恥笑的銃子

祭拜良知

風，偷笑伊白siak-siak的皮膚 哪堪得折磨
雨，淋洗伊phak佇塗跂的面容 若看向東昇

再會啦！咱相諍的玉山冰蝕論說

請繼續俗孤寂鬥陣 守護百萬年

閣再等待咱「冰斗」的傳說

再會啦！美好的玉山

凡一切完成抑是未完成的山頂岩石

全交待風去調理

再會啦！咱日思夜夢的台灣番地

【之二】

砂地，予溫柔的日頭掌面

板岩，對美白的石頭坑露出

南湖柳葉菜，對烏陰的塗跂兜鑽出來

你煞放掉台北高校所讀的冊

以自由的意志、行入去深山林內

行過脆弱的岩石、流落來傷痕的跂跡

踏過「玉山籟簫」草綠色的地毯

跳過「薄雪草」雪白絲絨的風湧

跂過溪水、掰開樹林內的鐵疾藜

無意中發現白胸鼯鼠、藪鳥俗藍鵲的艷麗

照常佇樹林、溪邊 優雅自在

北風，捷捷咧呼叫 彼坑坎壁的長鬃山羊

敢是已經修練成隱士的模樣

來啊！展開你的才能

搜揣烏蔭蝶、波紋蛇目蝶、粗鬚步行蟲、台灣細小翅天牛

予伊冠上「鹿野氏家族」的名字！

【之三】

予山，沉醉啊！

予風，開始書寫高砂族的故事

予汗，染tò黄色的紙

予墨水的筆跡翻滾文字的激流啊！

佇你觀照的一九三一年夏季的時空 對按呢

山，拍開溪流的胸坎

雲，掰開樹林的腹腸

你講，入山紮一枝短刀

驗證人的勇氣

登「郡大山」只佇咧補充活力

冰天雪地褪脫掉褲通考驗心的意志

猶比袂起古早Bunun族武士高雅的氣質

彎刀一旦出鞘

情義俗勇氣就出現

【之四】

暗夜的天空
 Bunun的嚮導提出豉的鹹腓(kê)
 恰kō甲全喙瀾的番仔薑
 輪番用喙舌咧傳播元氣
 火，印佇你的面
 彼隻懸山飛鼠 予火舌燒甲光光
 族人的目睭噴出火焰 指控較早的時陣
 日本討伐隊侵入番界的警戒線
 大砲恰火藥齊聲驚喊
 對地形測量隊雄雄掠過山的等高線
 選取一輪一輪的經緯線
 佇缺憾的圖籍中
 你倚靠跋步行遍山的面目
 踏過玉山的東峰
 就按呢開光、填滿烏暗地帶的地籍名目

懸入雲顛的玉山 繼續恰日月相爭天光
 風變成利劍 雨變成削刀
 不斷咧切割土地
 每一擺的造山運動了後
 猶原佇古早拍獵行過的山路
 聽著你吐大氣的聲
 原來佇孤單踏查的過程中
 跔跡印佇你所愛的島嶼
 猶原咧印證台灣、東南亞區域、喜馬拉雅山脈
 閣有微妙的姻親關係
 對按呢 阮聽著博物學、民族學、地理學的冊
 有一種真堅定的聲音咧呼叫你
 玉山的大冒險家——鹿野忠雄、鹿野忠雄……

創 作 理 念

在日治時代，日本人類學家鹿野忠雄，曾經踏查玉山及台灣的每一地方，也為台灣的動植物命名，並在日本發表台灣原住民調查，以及動、植物的報告，成為早期對這塊土地有貢獻的人。由於他熱愛本島一切的人文風貌，也有人道主義的關懷，卻不容於當時的日本軍閥的見解，於是被謀殺在北婆羅洲。為了感懷其對台灣本土人類學之成就，才有此詩的完成。

費啟宇

臺南縣立玉井國中自然科教師

